


祥符縣志

3



DS
796
K35H73
1739
v.3



元王惲詩云大梁城外草萋萋八月行人散
蹄汴水波濤流未穩宋宮花草徑還迷千年
井銀床冷百尺層臺石獸低試問夷門何處
秋風殘日鷓鴣啼

青城在縣城南門外宋之齋宮城殿皆以青布爲
之政和間始易以輒故名

康王城在縣城北宋高宗爲康王時築

岳

艮岳壽山所在詳見山川宋徽宗初未有嗣道士

劉混康以法籙符水出入禁中言京城東北隅
地協堪輿倘形勢加以少高當有多男之祥始
命爲數仞崗阜已而後宮生子漸多帝甚喜於
是命戶部侍郎孟揆築山象餘杭之鳳凰山號
曰萬歲山旣成更名曰艮岳周廻十餘里宣和
六年有芝產于艮岳之萬壽峯改名壽岳一曰
壽山後燬於兵

宋徽宗御製艮嶽記畧云於是按圖度地庀材
僝工累土積石岡連阜屬東西相望前後相續

左山而右水沿溪而傍隴連綿而彌滿也其
則高峯峙立其下植梅以萬數綠萼承跌芬芳
馥郁結構山根號萼綠華堂又傍有承嵐崑雲
之亭有屋內方外圓如半月是名畫館又有八
仙館屋圓如規又有紫石之巖祈真之磴攬秀
之軒龍吟之堂其南則壽山嵯峨兩峯並峙列
嶂如屏瀑布下入雁池池水清泚鏈漪鷺鳬浮
泳水面棲息石間不可勝計其上亭曰嚨嚨北
直絳霄樓峯巒崛起千疊萬複不知其幾十里

其西則參朮杞菊黃精芎藭被山彌塢中號藥
寮又禾麻黍麥菽豆秔秠築室若農家故名西
莊上有亭曰巢雲高出峯岫下視羣嶺若在掌
上自南徂北行岡脊兩石間綿亘數里與東山
相望水出石口噴薄飛注如獸面名之曰由龍
淵濯龍峽蟠秀練光跨雲亭羅漢巖又西半山
間樓曰倚翠青松蔽密布於前後號萬松嶺上
下設兩關出關下平地有大方沼中有兩洲東
爲蘆渚亭曰浮陽西爲梅渚亭曰雪浪沼水西

流爲鳳池東由爲研池中分二館東曰流碧西
曰環山館有閣曰巢鳳堂曰三秀以奉九華王
真步妃聖像東池後結棟山下曰揮雲亭復由
磴道盤行縈曲捫石而上旣而山絕路隔繼之
以木棧倚石排空周環曲折有蜀道之難躋攀
至介亭此最高於諸山前列巨石凡三丈許號
排衙巧恠巉巖藤蘿蔓衍若龍若鳳不可殫窮
麓雲半山居右極目蕭森居左北俯景龍江長
波遠岸彌十餘里其上流注山澗西行潺湲爲

漱玉軒又行石間爲煉丹亭凝真觀園山亭下
視水際見高陽酒肆清斯閣北岸萬竹蒼翠翳
鬱仰不見天有藤云菴躡雲臺消閒館飛岑亭
無雜花異木四面皆竹也又支流爲山莊爲回
溪自山蹊石罅塞備下平陸中立而四顧則巖
峽洞穴亭閣樓觀喬木茂草或高或下或遠或
近一出入一榮一彫四面周匝徘徊而仰顧
若在重山大壑深谷幽巖之底不知京邑空曠
坦蕩而平夷也又不知郭郭環會紛萃而填

也。蓋天造地設，神謀化力，非人所能爲者。此舉其梗槩焉耳。

張謨艮嶽記畧云：是時海內又安築山，號壽山艮岳。命宦者梁師成專董其事。時有朱勔者，取泐中珍異花木竹石以進，號曰花石綱。專置應奉局於平江，所費動以億萬計。調民夫以十萬計，搜巖剔穴，幽隱不置。一花一木，曾經黃封，護視稍不謹，則加之以罪。斲山輦石，雖江湖不測之淵，力不可致者，百計以出之。至名曰神運舟。

楫相繼日夜不絕廣濟四指揮盡以充輓士猶
不給時東南監司郡守二廣市舶率有應奉又
有不待詔旨但行進物至都計會宦官以獻者
大率靈璧太湖諸石二浙奇竹異花登萊文石
湖湘文竹四川佳果異木之屬皆越海渡江鑿
城郭而至後上亦知其擾稍加禁戢獨許朱勔
及蔡攸入貢竭府庫之積聚萃天下之伎藝凡
六載而始成亦呼爲萬歲山奇花美木珍禽異
獸莫不畢集飛樓傑觀雄偉瓌麗極於此矣

十年金人犯闕大雪盈尺詔令民任便伐木薪是日百姓奔往無慮十萬人臺榭宮室悉皆拆毀官不能禁也

岡

百岡所在詳見山川有土堆百餘世傳宋元嘉中檀道濟與北魏戰糧盡而返魏軍襲之道濟夜唱籌量沙積至百堆以紿之魏軍見之果退道濟全師而還

霍赤岡所在詳見山川遠王郎寨德光滅晉嘗屯

兵於此

牟駝岡所在詳見山川宋夢馬之書按邱濬世史
正綱靖康元年春女直侵京師兵屯牟駝岡卽
此

海

沙海在縣城西北一十五里按戰國策齊欲發卒
取周九鼎顏率說曰大梁之君臣欲得九鼎謀
置於沙海之上爲日久矣蓋謂此也隋煬帝疏
鑿舊跡引汴水習舟師平陳後立碑其側以紀

功累經河水淤平

邱

晉邱在汴一名清邱又名元池昔簡狄浴於晉邱之水元鳥遺卵吞之遂生契

門

夷門所在詳見山川

宋趙與峕賓退錄云侯嬴爲夷門監者按大梁城門東曰夷門則夷門者大梁之一門耳後人遂直指汴京爲夷門非也容齋續筆辯臺城少

城類此

安上門宋新城之西南門也熙寧七年監門鄭俠
上流民圖卽此

沙門在縣城西東和保沙積深厚其形似門故名
小陡門在縣城西永安保宋時疊石砌閘以積汴
水今圯

宮

汴故宮在縣城內正北本宋之大內金人廣之皇
城南外門曰南薰門南薰之北曰新城門新城

之北曰丹鳳門丹鳳之北曰文武樓其東曰太
廟其西曰郊社正北曰承天門雙闕前引東西
左右兩掖門承天之北正殿曰大慶殿東廡曰
嘉福樓西廡曰嘉瑞樓大慶之後曰德儀殿正
內曰隆德殿隆德之次曰仁安殿仁安之次曰
純和殿純和之次曰寧福殿寧福之後由苑門
而北曰仁智殿有二大石左曰敷錫神運萬歲
峯右曰玉京獨秀太平巖苑門東曰仙韶苑北
曰湧翠峯東連長生殿又東曰湧金殿蓬萊殿

西曰浮玉殿曰瀛洲殿南曰閱武殿又南曰安
泰門東曰壽聖宮北曰徽音院又北曰燕壽殿
徽音壽聖東曰太后苑苑有慶春殿明洪武十
一年卽其故址建周王府 國朝改爲貢院今
恭建

萬壽宮

太乙宮有三一在城東南之蘇村爲東太乙宮一
在城西南之八角鎮爲西太乙宮一卽五嶽觀
之舊址爲中太乙宮後燬于兵

宋宋敏求春明退朝錄云太宗時建東太乙宮
於蘇村遂列十殿而五福君綦二太乙居前殿
冠通天冠服絳紗袍餘皆道服寬衣天聖中建
西太乙宮前殿居五福君綦大遊三太乙亦用
通天絳紗之制餘亦道服寬衣熙寧五年建中
太乙宮內侍主塑像乃請下禮院議十太乙冠
服禮院乃具兩狀一如東西二宮之制一請盡
服通天絳紗會有言亳州太清宮有唐太乙塑
像上遣中使視之乃盡服王者衣冠遂詔如亳

州之制時文彥博乞罷修太乙宮不聽

文彥博乞罷修太乙宮疏云臣伏見修建太乙宮爲民祈福臣聞太乙天神之貴者天道貴質凡所營繕理宜簡質不務雕鏤之功不事金碧之華不重費不太勞不日成之神明安之虔潔之誠內充天人之心交感神應之福其理必然臣又見累年以來禁中營造不已船運木石鳩集丁匠殆無虛日既有專切提舉修內司復置都大提舉內中修造司誠恐所司各以宏麗取

職也然臣愚不知宮之所以興與廢凡材用之所從出敢昧死請乃命有司具其事以詔臣軌始太宗皇帝以聖文神武佐太祖定天下旣卽位盡以太祖所賜金帛作上清宮朝陽門之內旌興王之功且以五代兵革之餘遺民赤子請命上帝以至道元年正月功成民不知勞天下頌之至慶歷三年十一月有司不戒於火一夕而燼自是爲荆棘瓦礫之場凡三十七年元豐二年三月神宗皇帝始命道士王太初居宮之

故地以法籙符水爲民禳禳民趨歸之稍以其力脩復祠宇詔用日者言以宮之所在爲國家子孫也乃賜名上清儲祥宮且賜度牒與佛廟神祀之遺利爲錢一千七百四十七萬又以官田十四頃給之刻玉如漢張道陵所用印及所被冠佩劍履以賜太初所以寵之者甚備宮未成者十八而太初卒太皇太后聞之喟然嘆曰民不可勞也兵不可役也大司徒錢不可發也而先帝之意不可以不成乃勅禁中供奉之物

務從約損斥賣珠玉以巨萬計凡所謂天下養
者悉歸之儲祥積會所賜爲錢一萬七千六百
二十八萬而宮乃成內出白金六百三十餘兩
以爲香火瓜華之用召道士劉應真嗣行太初
之法命入內供奉官陳衍典領其事起四年之
春訖六年之秋爲三門兩廡中大殿三旁小殿
九鐘經樓三石壇一建齋殿於東以待臨幸築
道館於西以居其徒凡七百餘間雄麗靚深爲
天下偉觀而民不知有司不與焉嗚呼其可謂

至德也已矣臣謹按道家者流本出於黃帝老子其道以清淨無爲爲宗以虛明應物爲用以慈儉不爭爲行合於周易何思何慮論語仁者靜壽之說如是而已自秦漢以來始用方士言乃有飛僊變化之術黃庭大洞之法太上天真木公金母之號延壽赤明龍漢開皇之紀天皇太乙紫微北極之祀下至於丹藥奇技符籙小數皆歸於道家學者不能必其有無然臣嘗竊論之黃帝老子之道本也方士之言末也脩其

本而末自應故仁義不施則韶漢之樂不能以
降天神忠信不立則射鄉之禮不能以致刑措
漢興蓋公治黃老而曹參師其言以爲治道貴
清靜而民自定以此爲政天下歌之曰蕭何爲
法較若畫一曹參代之守而勿失載其洞靜民
以寧壹其後文景之治大率依本黃老清心省
事薄歛緩獄不言兵而天下富臣觀上與太皇
太后所以治天下者可謂至矣檢身以律物故
不怒而威捐利以予民故不藏而富屈己以消

兵故不戰而勝虛心以觀世故不察而明雖堯
帝老子其何以加此本旣立矣則又惡衣菲食
卑宮室陋器用斥其贏餘以成此宮上以終先
帝未究之志下以爲子孫無疆之福宮成之日
民大和會鼓舞謳歌聲聞於天天地喜答神祇
來格祝史無求福祿自至時萬時億永作神主
故曰脩其本而末自應豈不然哉臣旣書其事
皇帝若曰大哉太祖之功太宗之德神宗之志
而聖母成之汝作銘詩而朕書其首曰上清儲

祥宮碑臣軾再拜稽首獻銘曰天之蒼蒼正色
非邪其視下也亦若斯也我作上清儲祥之宮
無以來之其肯我從元祐之政媚於上下何脩
何營曰是日者民懷其仁吏服其廉鬼畏其正
神予其謙帝旣子民維子之視云何事帝而瘠
其子允哲文母以公滅私作宮于柱人初不知
於皇祖宗在帝左右風馬雲車從帝來狩閱視
親宮察民之言佑我文母及其子孫孝孫來饗
左右耆耄無競維人以燕我多士爲祥文母

所培我膺受之篤其成材于石之鐘萬石之簾
相以銘詩震於四海

元許有壬立清儲祥宮記畧云宮始太宗肇於

朝陽門外蘇碑作內不五十年而火又三十七年復

事修建歷十三年而後成蓋元祐六年也翰林

學士承旨蘇公作碑未幾詔以夫實毀之令蔡

京別撰金源氏復葺翰林侍讀學士趙秉文有

記歲壬辰元兵下汴宮觀僅存師徒解散時金

真之教方興長春公起海濱至西域見上論道

以脩身治民止殺爲對上大悅長春法系
之弟爲太古郝公太古傳栖雲王公長春以汴
重陽觀故基實主教重陽真君昇化之地命栖
雲主之營建幾三十年是爲朝元宮丞相史公
復請兼主太一上清諸宮觀事惟上清爲潦水
所圯規模宏濶力不能復命巨提點者購地於
惠和坊爲畝六十撤故宮材崇三清之殿於前
次刻真之字於後神門壇壝左右雲堂四周接
屋餘百楹雖非其地而名不泯也

玉清昭應宮在朝陽門東大中祥符元年初議營
是宮安寔天書命有司料功須十五年乃就脩
宮使丁謂令以夜繼晝每繪一壁給二燭至七
年十一月宮成凡二千六百二十楹制度閎麗
屋宇少不中程式雖金碧已具必令毀而更造
有司莫敢較其費天聖七年夏六月丁未夜大
雷雨宮內火起至曉宮室幾盡僅存長生崇壽
二小殿范雍王曙等以爲災變之來若有警者
輒除其地罷諸禱祀以答天怒乃下詔不復營

路以長生崇壽二小殿改爲萬壽觀宋史云真
宗大中祥符元年作玉清昭應宮奉天書也知
制誥王曾上疏諫不聽

宋王曾乞罷營玉清昭應宮疏云臣伏觀聖朝
誕受殊祥薦膺秘籙祚洪圖於萬葉超盛烈於
百王陛下寅畏寶符陟封名岳功垂不朽澤浸
無垠奉若之心斯爲至矣而清衷濬發成命亟
行就巖城之北隅啟列真之秘宇式昭不應特
建嘉名自經始以來庀徒斯廣輦他山之石相

屬於道途伐豫章之材遠周於林麓累土陶甃
揮鍾運斤功極彌年費將鉅萬掩祈年之舊制
踰禱日之前聞輟貴近以董臨假使權而領護
如此則尊奉靈文之意不爲不厚矣崇飾臺觀
之規不爲不壯矣然而臣之愚懇或異於斯旣
有見聞安敢緘默臣以爲今之興作有不便之
事五焉雖鳩僦已行未可悉罷苟或萬一采芻
蕘之說省其功用抑其制度亦及民之大惠而
憂國之遠圖也所謂五者之目請爲陛下陳之

國家之宮規制宏大所用材木莫非傾楠竊
天下出產之處搜採過多搬運赴宮尤傷人力
雖云只役軍匠寧免煩擾平民况復軍人亦是
黎庶此未便之事一也邇者方畢封崇頗煩經
費今茲興造尤耗資財雖府庫之中貨寶山積
畚築之下工徒子來然內帑費積代之蓄藏百
物盡生民之膏血散之孔易歛之惟難雖極豐
盈尤宜重惜此未便之事二也夫聖人貴於謀
始智者察於未形禍起隱微危生安逸今雙闕

之下萬衆畢臻暑氣方隆作勞斯甚所役諸雜
兵士多是不逞小人其或鼠竄郊鄣狗偷都市
有一於此足貽聖憂此未便之事三也王者撫
御寰區順承天地舉動必遵於時令裁成不失
於物宜靡崇奢侈之風罔悖陰陽之序臣謹按
月令孟夏無發大衆無起土功無伐大木今肇
基卜築衝冒鬱蒸倣擾厚坤乖違前訓矧復早
暵肆虐雷電迅風拔木飄瓦溫沴之氣比屋罹
災得非以失承天地之明效歟此未便之事四

也。稽顙。聆中間符命之文有清淨育民之戒。所修宮閣蓋本靈篇而乃過興剗掘之功。廣鑿雕鏤之巧。雖屢殫於物力。恐未協於天心。此未便之事五也。伏望遵祖宗之大猷。察聖賢之深戒。遷思回慮。懲往念來。詔將作之官。息勤苦之衆。輯寧羣品。對越高穹。如此則遐邇宅心。人祇快望。必若光昭大瑞。須建靈宮。將相畢勞。聿爰成績。則臣敢效愚計。亦可必行。但能損彼規模。減其用度。止崇樸素。無取瑰奇。惟將之以誠明。

仍重之以嚴潔名數之際加等是宜實費之資
節儉爲要俾四海之內知陛下愛重民力之意
豈不美歟

葉少蘊石林燕語云大中祥符七年玉清昭應
宮成王魏公爲首相始命充使宮觀置使自此
始後每爲見任宰相兼職天聖七年呂申公爲
相時朝廷崇奉之意稍緩因上表請罷使名自
是宰相不復兼使康定元年李若谷罷參知政
事留京師以資政殿大學士爲提舉會靈觀事

備白物之象鑄九鼎四年三月九鼎成詔爲
以奉安各周以垣上施睥睨墁以方色之土外
築垣環之名曰九成宮中央曰帝鼎其色黃祭
以土王日此爲大祠幣用黃樂用宮架北方曰
寶鼎其色白祭以冬至幣用皂東北曰牡鼎其
色白祭以立春幣用皂東方曰蒼鼎其色碧祭
以春分幣用青東南曰圖鼎其色綠祭以立夏
幣用緋南方曰彤鼎其色紫祭以夏至幣用緋
西南曰皐鼎其色黑祭以立秋幣用白西方曰

鼎其色赤祭以秋分幣用白西北曰魁鼎其
色白祭以立冬幣用皂八鼎皆爲中祠樂用登
歌享用素饌復於帝鼎之宮立大角鼎星之祠
寶成宮在九成宮之南大觀二年詔以鑄鼎之地
作寶成宮總屋七十區中置殿曰神靈以祀黃
帝東廡殿曰成功以祀夏后氏西廡殿曰持盈
以祀周成王及周公旦召公奭後置堂曰昭應
以祀唐李良及隱士嘉成侯魏漢津詔每歲八
月二十五日舉祀事祀黃帝爲大祠幣用黃

用宮架其成功持盈一殿爲中祠幣用白昭應
堂爲小祠並用素饌後俱燬於兵

宋馬端臨文獻通考云按三代之九鼎未聞有
神司之而列之祀典也崇寧時用方士魏漢津
之說鑄九鼎而各以其方色祭之抑不知司鼎
者何神歟至於因采首山銅之說而祀黃帝因
貢金九牧之說而祀夏后氏因定鼎郊鄆之說
而祀成王周召然此數聖賢之所以當祀者固
不以鼎也若魏漢津則當時獻言鑄鼎之方士

耳乃亦尸而祝之俾侑食於數聖賢其褻慢不
經亦甚矣

朝元萬壽宮在城內汴河之側金兵燬之今延慶
觀卽朝元萬壽宮之齋堂也

宋周密癸辛雜識云朝元宮殿前有大石香鼎
二製作高雅熙春閣前原有十餘座徽宗每宴
熙春則用此燒香於閣下香烟蟠結凡數里有
臨春結綺之意朝元宮虛皇臺亦上清移來者

下有青石礎二刻龍鳳團花極工巧舊時是朱

溫椒蘭殿舊物臺上有拜石方廣二丈許光瑩如碧玉四畔刻龍鳳雲霞環繞內留品字三方素地云是宣政內醮時徽廟立於中林靈素王文則居兩旁也

龍德宮在城內西北隅宋徽宗潛邸及卽位廣之易今名有壺春堂後燬於兵

延福宮在城安遠門內宋徽宗建規制精巧後燬於兵

堂

宋明堂在縣城內宋政和七年建今圯

資善堂在縣城內元符觀南宋仁宗肄業處大中祥符八年建天禧四年徙御厨北今圯

宋朝會要云大中祥符九年二月詔元符皇子就學之所宜以資善堂爲名

繼聖堂在縣治東宋太宗習射地今圯

宋宋敏求東京記云太宗尹京日於官署東建堂習射大中祥符二年閏二月真宗臨幸宰臣請以繼聖爲名許之

能勝人世之論天者皆不待其定而求之故以
天爲茫茫善者以息惡者以肆盜跖之毒孔顏
之厄此皆天之未定者也松栢生於山林其始
也困於蓬蒿厄於牛羊而其終也貫四時闔千
歲而不改者其天定也善惡之報至於子孫而
其定也久矣吾以所見所聞所傳聞考之而其
可必也審矣國之將興必有世德之臣厚施而
不食其報然後其子孫能與守文太平之主共
天下之福故兵部侍郎晉國王公顯於漢周之

際歷事太祖太宗文武忠孝天下望以爲相而
公卒以直道不容於時蓋嘗手植三槐於庭曰
吾子孫必有爲三公者已而其子魏國文正公
相真宗皇帝於景德祥符之間朝廷清明天下
無事之時享其福祿榮名者十有八年今夫寓
物於人明日而取之有得有否而晉公修德於
身責報於天取必於數十年之後如持左券交
手相付吾是以知天之果可必也吾不及見魏
公而見其子懿敏公以直諫事仁宗皇帝

侍從將帥三十餘年位不滿其德天將復興王氏也歟何其子孫之多賢也世有以管公此李栖筠者其雄才直氣真不相上下而栖筠之吉甫其孫德裕功名富貴略與王氏等而忠信仁厚不及魏公父子由此觀之王氏之福蓋未艾也懿敏公之子輩與吾遊好德而文以世其家吾是以錄之銘曰嗚呼休哉魏公之業與槐俱萌封植之勤必世乃成既相真宗四方砥平歸視其家槐陰滿庭吾人朝不及父相時

射利遑卹厥德庶幾
其何能國王城之
之符嗚呼休哉

館

信陵館在縣城內信陵君延士處今圯

元雷琯詩云閒過信陵館有懷信陵君君去日
已遠誰憐抱關人徑携一壺酒往酌公子墳墳

久漸已平其木幾爲薪杲扉鎖長夜千載不復

晨昔爲賢俊遊今爲狐兔隣豪貴竟安在念之

心如焚有生會歸盡但恐後無聞此意不可必
且醉梁園春

柳林館在縣城東之南神岡保宋時都人遊宴之
所後淪於水

同文館在縣城大梁門外西北宋時待高麗使臣
之所後燬於兵

班荆館在縣城封邱門外宋時待番使之所後燬
於兵

禮賓館舊名番譯院在金梁橋西南汴河南岸景

德三年改爲禮賓院後燬於兵

衙

南衙在縣城內宋開封府尹包拯聽政處卽舊開

封府治

臺

造字臺在縣城北時和保世傳倉頡造字之所今

圯

唐岑參詩云野寺荒臺晚寒天古木悲空皆有

鳥跡猶似造書時

憲臺在縣城南二十里戰國魏侯罃所築一名
惠王臺今圯

吹臺在縣城東南三里按九域志卽繁臺也本師
曠吹臺漢梁孝王增築之一曰平臺後建禹王
廟於上廟後有唐杜甫李白高適三賢祠又附
何景明李夢陽爲五賢祠或云吹臺乃梁惠王
所築詳見辨誤

宴臺在縣城東北十五里宋時春耕耨田於東郊
祀先農畢享胙宴百官於此今圯

拜郊臺在縣城南十里其東又有東拜郊臺俱宋
時築今圯

迎秋臺在縣城固子門外後唐莊宗築宋都人於
此登高今圯

百花臺在縣城固子門外宋徽宗築今圯

沙元臺在縣城東南鄭店保臺上有鄭安平廟今

圯

奉天臺在縣城布政司治後明洪武初車駕幸汴
築以爲燔柴之所後淪於水

祭封臺在縣城南薰門外明洪武初車駕幸汴梁
以爲祭神之所今圯

樓

望京樓卽縣城西門樓舊無名後以唐令狐綯登
樓詩有望京字因名

唐令狐綯詩云夷門一鎮五經秋未得朝天未
免愁因上此樓望京國便名樓作望京樓

遇僊樓在城南薰門內金時有狂僧李菩薩者嘗
就楊廣道趙君瑞兩家宿一日大寒楊與之酒

苦愧無以報者晨起持酒盃出聞其嘆酒聲入
曰花開矣已而牡丹果開兩花時正大四年十
月也人異其事因以名樓今圯

昇平樓在宋大內需雲殿東舊名紫雲爲宮中觀
宴之所明道初改今名後燬於兵

明月樓在縣城內州橋南街東明洪武十五年因
其遺址爲稅課司

黑樓子在宣平坊勾欄街之北卽金欄舊立看街

樓

寶津樓在縣城鄭門外瓊花苑內

長慶樓在縣城內鼓樓北街西

紅翠樓在縣城內鼓樓北街西

玉樓在縣城新橋東北

狀元樓在縣城新橋東北

豐樂樓在縣城內土市子街舊名樊樓宋徽宗建

宋劉子翬詩云梁園歌舞足風流美酒如刀割
斷愁憶得承平多樂事夜深燈火上樊樓

和樂樓在城內土市子街舊名莊樓

得勝樓在城內得勝橋側

鐵屑樓在城內土市子街

慶豐樓在城內土市子街

楊樓在城內土市子街

玉川樓在城內土市子街

欣樂樓在城內土市子街

潘樓在城內土市子街

會僊樓在城內雷家橋北

熙熙樓在城內第三巷東

胡樓在城南薰門外西南

清風樓在縣城外西南

宜城樓在縣城大梁門外街北

班樓在縣城大梁門外街北

看牛樓在縣城仁和門外

蜘蛛樓在縣城麗景門外

劉樓在縣城內金梁橋下

八僊樓在縣城北

集賢樓在縣城鄭門外

樓亭

蓮花樓在縣城鄭門外宋時士大夫餞別於此
宴賓樓在縣城金明池之西

以上自明月樓而下皆宋都人遊賞之所湮廢已久今無存者

亭

新亭在縣城內唐汴州刺史令狐楚建今圯

看街亭在縣城南薰門內宋時建今圯

信陵亭在縣內相國寺戰國魏公子無忌遊賞之

地舊有亭

公子亭在縣城麗景門外公子謂無忌也今圯

虛左亭在縣城內東北隅上方寺之右魏公子并
忌虛左以待侯生處今於其地建祠祀公子并
侯生朱亥三賢焉

大梁亭在縣城大梁門外西偏相傳梁孝王宴客
之所今圯

唐韋應物詩云梁王昔愛才千古化不泯至今
蓬池上遠集八方賓車馬平明合城郭滿埃塵
逢君一相許豈要平生親入仕三十載如何獨
未伸英聲久籍籍臺閣多故人置酒發清彈相

與樂佳辰孤亭得長望白日下廣津富貴良可
求竭來西入秦秋風旦夕起安得客梁陳

流盃亭在縣城內西北隅世傳梁孝王遺迹今圯
唐李商隱詩云身屬中軍少得歸木蘭花盡失
春期偷尋柳絮到城外行過水西聞子規

駐蹕亭在縣城內布政司圓堂之後明洪武初車
駕幸汴詔建行宮北去留大旗以鎮中原後因
構亭表之今圯

攬秀亭在縣城舊貢院內今圯

池

蓬池在縣城東春秋時宋之蓬澤也瀾漫遠濶南入尉氏境其下有溫泉焉漢志引汲冢竹書云梁惠王發蓬忌之藪以賜民浚儀有蓬陂忌澤是也唐元宗更名福源池天寶初士大夫褻飲於此經河水淤平

金明池在縣城西鄭門外西北周迴九里餘周顯德四年欲伐南唐始鑿池習戰宋政和二年於池內建殿宇池門內南岸西去百餘步有臨水

殿北去百餘步有僊橋朱漆欄楯下排鴈柱中
央隆起如飛虹之狀橋盡處殿正在池中四岸
文石甃之南有高臺上有橫觀廣百丈許曰寶
津樓樓之南有宴殿殿西有射殿南有橫街牙
道柳徑乃都人擊球之所車駕臨幸觀騎射百
戲於此後燬於兵

宋葉少蘊石林燕語云金明池龍舟太宗時造
每歲春駕上池必登之紹聖初亦嘗命別造
制有加於前亦號工麗余時正登第在

成道時賜宴蔡魯公爲承旨中休往登以
半傾墜未幾不免相繼哲宗臨幸是日大風
冥池水盡波儀衛不能立竟不能移跬步自後
遂廢不用

方池圓池在縣城南薰門外玉津園之側宋太宗
臨幸遊賞之所今淤

迎祥池在縣城普濟水門之西宋真宗時鑿今淤
凝碧池在縣城東南繁臺之側唐爲牧澤宋真宗
時鑿爲池後爲河水所淤

蓮花池有二一在縣城北時和保一在縣城西北

永安保俱宋時鑿今淤

曲江池在艮岳壽山下今淤

鳳池在艮岳壽山下今淤

雁池在艮岳壽山下今淤

平池在艮岳壽山下今淤

園

梁園在縣城東南三里一名菟園一名梁苑相傳

爲漢梁孝王遊宴之地築吹臺於苑中或云梁

惠王所築詳見辨誤

唐李白梁園吟云平臺爲客幽思多對酒遂作
梁園歌却憶蓬池阮公詠因吟滌水揚洪波

芳林園在縣城固子門內東北宋太宗在晉邸時
太祖賜其地爲園卽位後號潛龍園內有池淳
化三年帝幸其池謂近臣曰昔尹京日無事嘗
飲池上今池邊之樹已成喬木矣又顧教坊使
郭守忠曰汝等前以樂童從我今亦皓首矣何
光陰易過如此因登水心亭習射中的者上親

肅符縣志

卷四 園

三

酌滿舉大白詔羣臣盡醉復廣其地號奉真園
天聖七年改名芳林園後燬於兵

玉津園在縣城南薰門外

下松園在縣城西鄭門外

藥朶園在縣城西水門外

養種園在縣城西水門外

一丈佛園在縣城西南

馬李良園在縣城西南

在縣城南鳳城園

靈禧園在縣城陳州門內西北

靈禧園在縣城陳州門內東北

集祉園在縣城西南

同樂園在縣城固子門內

以上玉津諸園皆宋時都人遊集之區今無存者

苑

瓊林苑在縣城西鄭門外俗呼爲西青城宋時建苑爲宴進士之所與金明池南北相對其中松栢森列百花芬郁苑東南隅政和間創築華嘴

岡高數丈上有橫觀層樓金碧相射下有錦石
纏道寶砌池塘柳鎖虹橋花紫鳳舸又有名池
梅亭牡丹諸亭不可勝數

宋韓琦詩云春光濃簇寶津樓樓下新波漲鴨
頭嘉節難逢真上巳賜閒榮入小瀛洲仙源雨
過花遺靨御陌風長絮滾球楔飲不須辭巨白
清明來日尙歸休

迎春苑在縣城麗景門外東北舊名東御苑宋初
宴進士之所每歲迎春於此後改富國倉

宜春苑有二一在固子門外宋人號西御園一在麗景門外號東御園

宋王安石詩云宜春舊臺沼日暮一登臨解帶行蒼蘚移鞍坐綠陰樹疎啼鳥遠水靜落花深無復增修事君王惜費金

牧苑在縣之陳橋東北宋牧養馬駝牛羊之所
以上諸苑俱爲金元兵燬今無存者

洞

老君洞在艮岳壽山之西北宋徽宗供奉道象之

卷之四

名

洞

峽

渚

源

所今圮

迷真洞在艮岳壽山之下今圮

桃花洞在縣城揚州門內西北卽上清宮道士所

居處環植以桃故名桃花洞今圮

峽

濯龍峽在艮岳壽山之間金人展城夷之

渚

蘆渚在艮岳壽山之下今湮

梅渚在艮岳壽山之下宋徽宗於平池內作兩洲

縣志卷之五

建置志

城池 關門附 學校 書院社學附 宮室 兵衛

街鎮 坊表附 市集

以上分上下二卷

豫順以動建置之道也不有城池其何能國宜
首列焉建國君民教學爲先故學校次之曰止
曰時築室於茲故宮室次之是兵宜足也故兵
衛次之是民宜聚也故街鎮市集次之關門附

城池書院社學附學校坊表附街鎮各從其類
矣豫州以卦得名而祥符實領羣邑易之順動
覘其先焉爰合志建置

城池

府城者宋之內京城也外城曰新城又曰土城今
僅存形跡歷代創建修築列左

祥符縣城卽開封府城凡以下增建修築祇依
歷代本名紀之皆以省以府不以縣懼僭也

唐

建中二年節度使李勉創建本州城

二南曰順天北曰金輝北門四中曰通天東曰
長景次東曰永泰西曰安肅汴河上水門南曰
大通北曰宣澤汴河下水門南曰上善北曰通
津惠民河水門上曰普濟下曰廣利廣濟河水
門上曰咸豐下曰善利上南曰永順其後又於
金輝門南置開遠門至政和改修詳見古蹟志
宋孟元老東京夢華錄云東都外城方圓四十
餘里城壕曰護龍河濶十餘丈壕之內外皆植
楊柳粉牆朱戶禁人往來城門皆甕城三層屈

祥符縣志

卷五

城池

三

曲開門惟南薰門新鄭門新宋門封邱門皆直
門兩重蓋此係四正門皆留御路故也南城一
邊其門有五正南曰南薰門東南曰陳州門傍
有蔡河水門西南曰戴樓門傍亦有蔡河水門
東城一邊其門有四東南曰東水門乃汴河下
流水門也其門跨河有鐵褁牕門遇夜如閘垂
下水面兩岸各有門通人行路出拐子城夾岸
百餘丈次曰新宋門次曰新曹門又次曰東北
水門乃五丈河之水門也西成一

從南曰新鄭門次曰西水門汴河上水門也次
曰萬勝門又次曰固子門又次曰西北水門乃
金水河水門也北城一邊其門有四從東曰陳
橋門次曰封邱門次曰新酸棗門次曰衛州門
新城每百步設馬面戰棚密置女牆旦暮修整
望之聳然城裏牙道各植榆柳成陰每二百步
置一防庫貯守禦之器有廣固兵士二十指
每日修造泥飾專有京城所提總其事
按此較宋史畧詳更有互異錄之以備參考

金

正大四年浚汴城外壕

金都城門十四曰開陽宣仁安利平化通遠宜
照利川崇德迎秋廣澤順義迎朔順常廣智元
以後多湮塞

元

至元二十七年修汴梁城

明

洪武元年重築河南省開封府城

隅斥鹵水國又今百五十年故其城若門雖大
勢巍壯而中損蝕者不少矣嘉靖元年太監呂
公來鎮茲土登城躡樓俛仰者久之仍慨然而
嘆曰諺有之曰些小勿補直至尺五是城也乃
今修之費猶省也夫門者城之喉樓者門之冕
也城修宜自門始於是集三司長暨庶尹羣吏
議城事已又謀之撫按之臣僉曰動大衆者占
之人舉大事者審乎時事莫大於城城非大動
衆不集今兵饑疫癘我民未和記有之曰因天

事天因地事地度時未若占人人今靡和其何
城之爲呂公曰嗟天下不有惠而不費勞而弗
怨者乎是城也先其五門及西門關土城若門
計費萬金耳今無礙帑金若干斤更稍稍益之
便足矣夫汴舊京也游食者夥饑則歸之益衆
城之役誠計日傭之菜色可活而亡命可收也
如是則不動衆而大事集矣僉曰竊又聞之事
無巨細人存則行是城也前修之者屢矣然上
侵而下漁費倍而效寡又土木之役皮余易而

難呂公曰差利弊由人耳苟子之不
嘗之不竊余嘗奉命修京之東門矣人無玩
上無耗財是城也舉動不中厥惟予咎於是
撫都御史何公巡按御史王公清軍御史喻公
暨三司長稔知呂公賢又計帑金得十之六七
會又有東寇閉城而門之樞朽鏤葉爛脫於是
僉議始同而城之役興矣是役也始於東門程
能計日經費節力獎勤黜惰勾稽有簿大持小
維工傭稱事執信布義聽其自來凡城之材礪

鍛甄堊木石煨炭膠角顏采皆公市平取官靡
告困民罔知勞一門旣一門繼五門旣土城若
門繼行之有序匪棘匪紆革之仍之各適厥中
於是撤朽剝蝕植頽築虛凸凹宗礪濬淺䟽塞
遠而望之樓櫓翬赫粉堞煥如堅者屹屹深者
鬱鬱直者律律橫者翼翼迫而察之石榴鐵樞
虹梁臥衝陞塹縈輸蓋一夫當關萬夫莫前者
也登而覽之嵩行失險大河奪色俯而視之司
府填委倉庫充實旌檠甲冑固慮是嚴已外或

民威暴壯氣助武然計之則費省要之則功倍
斯何也所謂事無巨細人存則行者也巡撫王
公巡按喻公清軍戴公之來頗亦異同於斯城
及見呂公賢乃亦咸相於厥成乃呂公則愈心
於城事時時出督勞之曰嗟爾官爾工爾傭母
欺母玩母自阱爾躬是故一門成則盡徙其餘
於他門卽拳石塊礫寸鐵尺木敝杵壞畚無妄
棄者汴之爲水也出城則甘於是呂公周覽而
嘆曰嗟設卒有寇至小門扃大門鑰乘障之士

瞭陣之子手麾之吏渴也奚救之矣乃默禱於門穿六井皆甘是時布政左使劉公右使宋公實經厥費按察使張公都指揮徐公贊畫爲力乃僉議伐石爲碑樹之南薰門月城亭焉以紀實詔來且張城大修之本也城門故各有廟是役也亦各新之而嚴其祀或問李子曰先王之建都也必城焉急然孟子則云固國不以山谿之險何也李子曰斯惡夫專事地者也非天生非地不形非人不成是故先王之爲治也內

美也緩急世所時有敵壘在郊惟是守望爲兢
兢受兵登陴之士勢不能不踐更番休蓐食於
是焉在且也晝堪終日暴雨宵堪竟夕蒙霜露
乎風雨不時至能任其漂搖淋漓乎矢石之彈
射將坦腹而受不一趨避乎不待敵人攻我我
業已坐而自困矣卽金城千里何爲是當亟議
早圖者顧安所得金錢爲營度費於時方伯姚
大夫進曰明公爲一方計深遠不佞敢仰承不
腆筦庫所積竒羨若而金計足充聚材鳩工用

旦夕俟命毋徒爲中奄攫取以歸尾閭中丞乃
大喜過望謀於部使者東明崔公崔公良以爲
然卽日命官董事不踰月告成矣嗟乎大梁地
四衝東接齊魯南走芒碭淮泗西隣秦晉北抵
韓趙南界蘄黃襄郢地勢平行無重岡複嶺爲
界限四方有變禍未有不中於梁者梁之地勢
固戰場也方今天下雖陸讐水慄無敢尋曠林
之戈弄潢池之兵窺左足而先發者庶幾可幸
無事顧自採金權稅之令下而四方小民莫必

旦夕命迫而思動憤而思運期亦庸人預
日也一旦禍變勃發駭而圖之其能入于齊
伐魯圍成季孫叔孫帥師城成春秋書之以志
譏經國者不能先時修備敵人臨境而後議版
築嗚呼晚矣茲樓之建所謂未雨而綢繆未
濟而懷衣裯者也始事於某年月日終於某
年月日麗景門直抵仁和門而止凡芒
岡官損役靡農妨睥睨相接累愚相
直丹堊相耀如翼如堂斯棘斯革樓

相與落之登樓四望太行嵩室居然在其
大河湯湯僅如衣帶城之大觀於是乎
固有先聲而後實者斯臺斯樓成若
埤而厚固先事伐羣不逞之謀而預
窺伺之志異日者父老子弟攫城
追頌中丞方伯永賴不朽功當亦
言爲誼誼矣

京夢華錄記汴城云今之

城之外

四圍濶數十丈深四五丈東西水門二座閉塞
久矣舊址僅有存者相傳東京臥牛城三山不
令顯五門不令相對也城以臥牛名者城枕大
河牛土屬土能尅水也西城重門相向其牛之
首乎直吞河雒而來王氣也餘則三四重門轉
折而不衝向其牛之足乎盤曲臥鎮參差其形
惟靜可以制動也城外東北堤畔仍有一大鐵
牛遙望河澣鎮之是有取乎名之也三山者夷
門三山在府城之內大梁門南有山之形今業

已成城矣不謂之山通衢里巷夷坦迤衍更不見夫山迨河水入城渰沒有深至三四丈二三丈者自西門迤邐東來至大爪隅首水僅二三尺深者通藩府東折至山貨街水僅一二尺再東折而北去至土街水不盈尺而止高下起伏觀夫水而從可知山矣去城七八里許有土城僅有土基孔道存焉週圍約四十餘里其門尙有存宋時之名如東南陳州門東北酸棗門而巳其北爲陳橋門封邱門衛州門南川門

西則今稱爲鄭門本順天門固子門本金耀門
歇茲門本萬勝門水門本利澤門併其名而亦
不存矣城之變遷有如此

阜清

康熙元年巡撫張自德布政使徐化成修開封府
城

明崇貞十五年闖賊決河水灌城城內悉爲潦
水泥沙官民不能棲止署舍悉移外州縣至是
雉堞一新氣象丕煥各門營建如舊制凡應祀

廟宇共計整葺六座各守城門房共計修建一十五間始移各衙門於省會民居亦鱗集城鄉二十七年巡撫閻興邦修城樓

雍正十二年總督王士俊浚城外壕

乾隆四年巡撫尹會一修開封府城及五門城樓

滿洲城

康熙五十九年建滿洲城西北隅城高一丈蜈蚣架全圍五里零一百九十二步

關門

附

關有二一在麗景門外一在仁和門外通南京
浙江山東

南關在南薰門外通四川南廣雲南貴州舊城窪
下艱於行旅萬歷三十三年提學吳中明平治
之

西關在大梁門外通京師山西陝西

北關在安遠門外路渡黃河通山東入京師東路
臨蔡關在縣東南三十里周顯德中濬開河入蔡
河置關於此今淤土人仍呼其地爲關頭

通津關在縣東北埽頭四十里周顯德中疏汴水
入五丈河置關於此合淤

學校

唐

唐制浚儀開封二縣立經學博士助教各一人

宋

宋建都立國子學大學武學律學算學無祥符縣
學

金

明章煥修學碑記云余陟禹跡按輿圖知豫爲九州之中祥符又爲豫州之中祥符雖一邑藩省置焉內環八郡外絡八州實天下樞也余受命開府於茲八郡吏民咸來受成布憲發令悉從祥符始祥符者本中州風化所起也初余與督學大夫定議明道術育英才欲以風厲中州大夫數言學宮敝陋規制不稱不足以設教遂與藩臬及郡大夫往觀之出入堂戶陟降廟庭正路榛蕪棟折榱傾無以昭法象奉神靈低回

嘆息者久之時方財用絀民力竭不欲煩有司
乃躬爲調度其事以二月之吉卽工凡四旬而
工畢辨方正位備物尙象首廟廡次堂齋左爲
啟聖之祠右爲敬一之亭阿閣三重崇效天也
鑿泮及泉卑法地也雙亭璧合二曜拱也周廬
珠連列宿躔也神宮嚴闕法宇靚深肅然知聖
道之尊崇炳焉覩聖訓之昭明曠兮若發矇
焉若披雲萬象昭回五色成文高與嵩嶽並峻
深與洪河同潤中州之士咸忻忻以爲改觀

落成之日余與諸大夫告成於廟及設爵於明
倫之堂而享之賓筵旣設禮器具舉揖讓旅辟
咸中規矩圍橋門而觀聽者以萬數余使人鳴
鐸者三告諸生曰小子聽之是儀封人所見於
夫子者也夫祥符古浚儀之境也夫子廟祀於
斯二三子覲其形容久矣道之不明意者鐸音
之未揚乎吾爲子振之又進祥符令告之曰昔
者夫子爲中都宰而路不拾遺器不雕僞男女
別途四方之諸侯則之中州宰亦猶是也夫子

之道具載方策吾爲子舉之有間揖諸大夫曰
昔者孔子作春秋尊中國中國帝王所自立詩
書禮樂之區也今祥符中國之中而禮讓未行
教化未成詩書之澤斬焉無聞廟見夫子厥有
媿心諸大夫何以助之夫祥符非獨令治也其
學非獨二三子也余與諸大夫有帥先之責焉
道不立則士不興學宮傳舍也官師弁髦也俎
豆虛位也鐘鼓琴瑟虛器也其何有於二三子
夫教不行於祥符何以令八郡况八州乎勉之

母令四方之諸侯失其準也諸大夫離席起曰
然以示祥符令令以詔諸生諸生趨進拾級以
升曰唯唯敬聞先生之命矣今而後知祥符之
學也

萬歷八年知縣李天麟重修

三十七年知縣王鶴齡重修大成殿五楹東西廡
各十楹戟門櫺星門各三楹啟聖祠三楹大門
三楹明倫堂三楹講堂三楹進德修業二齋各
五楹學署號舍共四十八楹尊經閣三楹射圃

亭三楹

三十九年提學副使葉秉敬知府王之都知縣王鶴齡同建奎光樓

崇貞十五年悉沒於水

皇清

順治十一年知縣孫如林改建新縣治西

康熙二年署知縣張俊哲重修

劉昌修學碑記云吾汴邑庠舊在城之西偏宏敞壯麗與郡庠相爲伯仲傳沿已數百年明末

三十二年提學道張潤民捐修增城學坊

乾隆二年知縣張淑載捐修大成殿五楹東西
各五楹戟門櫺星門各三楹賢關聖域坊二
座忠義孝弟祠各三楹泮門儀門各三楹明倫
堂五楹東西齋房各五楹

張淑載修學碑記云祥邑學宮屢遷而屢葺由
來逖矣稽諸往牒前明洪武間改雲老寺爲之
後汨於水其改建於今之東門外者始於國
朝康熙六年邑令聶公之始興也噫善矣東南

於卦位爲巽巽主文章甲科蓋離屬南方有文明之象而形家以巽當之者木能生火也是以趙宋置都於此其國學亦舊在東南隅一時太學三舍人材最盛矧我朝文治光昭上躋唐虞而中州省會首邑乃繡壤領袖顧聽其圯而弗易與余於乾隆元年調任茲邑目擊門垣堂構之荒殘也學師之署委諸草莽也心慄然不安計其土木之值約白金三百五十兩有奇卽欲廣去俸錢又苦不給迨蒞任一歲庫有積

可支乃請於撫憲尹公藩憲范公臬憲隋公道
憲黃公胡公府憲張公俱命如議襄事遂於三
年二月朔集僚屬紳士庀材鳩工趨事弗懈至
三月望後工已落成一時禮殿講堂庫厨庖湏
以及學師公署無不易圮就整觀瞻殊壯余旣
率邑人瞻禮拜畢而重有感也因告邑人曰昔
者孟子遊梁首闡仁義而闢功利實在斯地又
祥符卽古浚儀縣晉地道記云儀封人請見孔
子卽此浚儀也於戲盛哉孔子之金聲玉振孟

子之仁育義正胥萃靈於此遂開伊洛淵源中
原文獻綿綿翼翼薪傳勿替學者循是而之焉
仁義正途而外勿以功利龐雜其間則木鐸之
振聾啟聵寧越於此巽之所謂申命行事是也
斯則文物聲明之大而趙宋太學人材又不足
專美矣若夫重葺告竣此實上官之教諸君子
之力余何功之有焉邑人以爲然請壽諸貞珉
余遂敷言之如此董其事者爲儒學教諭李君

炎訓導翟君琨縣尉施君澤溥邑紳丁酉科舉

人馬在山東德平縣知縣袁君府南丁巳
士杜君震鐸鄉飲大賓毛氏俱實日際斯
袁式安常懷仁鄉耆王琰等例待

再褒崇列左

順治十四年諡稱

至聖先師孔子

康熙二十三年恭懸

祖仁皇帝御書萬世師表匾額於大成殿

二十九年河南巡撫閻興邦題設樂舞生

人備樂器祭器禮部議瀛關里儀制

三十三年恭奉

聖祖仁皇帝御製孔子贊四子贊

四十九年春秋二丁武藏與祭

五十三年以宋儒范仲淹從祀

五十四年遷東廡朱子嘉熙享牛哲之

雍正元年學宮內建忠義孝弟祠

二年增祀者六人增祀者一人

入崇聖祠者一人

我亦冒名三策王

是也

張建

張建

五年庚子曾終品感聖王西曆年亦驚

聖王御

追討

追討

追討

追討

和為聖王則事公為目是正

里

年區三年遷東

金

金

金

四

天

天

以于大梁之卽魏也而能重魏者莫如
陵君枉車騎於大梁市中救趙破秦存魏公子
固人傑哉公子死秦遂滅韓及魏秦韓魏之深
仇也能報仇者惟張子房博浪一椎祖龍禡魄
佐漢所以鋤秦也而滎陽之圍微紀及周漢其
楚矣高帝安得過大梁而爲公子置守塚哉宜
祀留侯并贈太尉紀公御史大夫周公漢業中
衰光武克復舊物從龍之臣率產豫土其發跡
大梁者王霸堅鐔傳俊皆繪象雲臺而憂國奉

公惟刺姦將軍祭成侯雅歌投壺恂恂若儒生
應當與文臣同祀也黨錮之禍李元禮一世龍
門含冤北寺漢事不可爲矣其後徐元直寓新
野薦武侯於昭烈得延炎漢之脈以元直之才
終身不爲操畫一策忠孝克全與元禮同祀不
亦宜乎薦武侯者元直而鞠躬盡瘁以扶漢室
者武侯也侯之才如馬子房而上晉唐以下誰敢
步其後塵人知其隱於南陽臥龍岡在焉豈不

其先寓於考茂考茂昔賢人也

五帝繼祀矣晉之繼漢也雖取天下而傳而
漢江之後祀豫州手翦荆棘黃河以南復爲晉
土沒之日士女如喪考妣此安可不祀哉距晉
五姓而唐室受命唐猶漢也而再造唐者狄梁
公初刺豫州再刺魏州民愛戴之生爲立祠如
公者能勿祀耶祿山構逆張中丞蔽遮江淮顏
魯公招討河北睢陽之節張公實爲南許諸君
倡祀公可例其餘矣矧歸舊隸開封者也至希
烈僭號於汴魯公被縊則握拳透爪同於裂齒

祥符縣志

卷五

書院

三

穿闕不祀何以勸忠唐至光啟寇蹂躪海內大
梁無寧宇矣趙氏兩太尉百戰孤城卒全陳土
兄弟之功安可忘也則祀之自是至五代皆都
於汴宋歷最久上接漢唐尹開封者多名暨而
包孝肅爲稱首雖有專祀不敢遺焉他若范文
正歐陽文忠張忠定蘇文忠相繼爲京尹皆包
公之流亞並宜祀之者也當其時產於大梁者
又有賢宰執如文簡公獻可焜煌史冊至今稱
之

年後敵發其冢而貌和生其人哉嘗在祀也
清康之際忠義奮起伯紀督戰京城汝霖警師
河上嵇仲率子勤王德祥和卿對疆盡節國有
人哉桓桓忠武兵抵朱仙竟害於奸臣之手祀
此諸忠不令人肅然起敬耶自是而大梁屬金
矣元之取金攻汴踰歲而忠孝軍總領完顏公
獨兩敗之後走汜水明白求死折足割耳噴血
而呼此好男子不可不祀也明之取元自汴濟
師而河南平章左丞察罕公孤身扶翼崛起沈

邱威鎮天下定陝平齊竟殞命於降將之手和
潁川王不可不祀也當明之初馮宋國節制兩
河駐沐者十有七載恩惠在人其祠已廢今宜
祀之考大梁有褒忠祠祀鐵司馬五人而少司
寇王公死靖難之師爲祥符人有三王祠祀張
氏三人而英國公平安南死土木之難封定興
王祀此二公於忠於義允相符矣若先達則軒
介甫之品節馬端肅之勲業仕宦則年恭定之
綏戢陳恭愍之方嚴何文肅之明惠秦端敏之

樹勲周莊肅之清介關副使之罵賊擬於古賢
寧少讓哉及乎末造劉文烈一門殉義邢兵憲
父子捐生而僉臬李公太僕俞公一則碎骨釣
州一則死綏汴地勁氣英風又何烈也祀之豈
有遺議哉曩者大梁有名撫祠亦已淪溺予旣
重創之矣如于忠肅公以下及我

皇清吳佟諸公其勲猷垂史冊其廟食在大梁仍祀
之書院非複也禮也合而論之自大賢卜子外
得名賢百十五人或生於斯或仕於斯或寄跡

於斯立德立功與嵩同峻與河同深皆於大梁
有光則進而祀之大梁書院後之繼起者有能
與前人比跡亦從而配食焉以是傳之百世俾
登斯堂者仰視棖題俯對几筵顧名思義縉紳
知所則效子弟知所尊崇以之事君以之立身
起於一方及乎八郡各祀其所當祀以修明釋
奠釋菜之禮予方有厚望焉聽者僉曰善是祀
也正而可法嚴而不遺且適合於大梁而惟以
彛倫明教爲天下後世勸雖歷久不祧可也

三十五年巡撫李國亮移建於城西南隅周橋河
西古汴水經行處

卽今書院基址

五十八年恭懸

聖祖仁皇帝御書兩河文教匾額於講堂又巡撫楊宗
義建湯公祠於書院之左

祀國朝湯斌

雍正八年積水傾圯

十一年總督王士俊布政使刁承祖重修

乾隆二年巡撫尹會一祀河南先賢於講堂

宋程顥程頤邵雍呂希哲尹焞謝良佐張釋劉
絢李籲朱光庭邵伯溫孟厚程迥元許衡姚樞
姚燧明曹端薛瑄閻禹錫王鴻儒許誥何瑋崔
銑李承恩王尙綱尤時熙魯邦彥孟化鯉呂坤
楊東明楊澗徐養相王以悟張信民賀仲斌呂
維祺劉理順王慕祥 國朝孫奇逢湯斌耿介
張沐竇克勤張伯行冉覲祖凡四十五人

又刊刻宋朱子稟白鹿洞規條及元程端禮

書分年日程於課

遊梁書院

明

遊梁書院在城內西南隅本宋孟子祠萬歷三十一年巡撫方大美重修并設書院崇貞十五年沒於水

明方大美修祠設書院碑記云觀風之命攬轡中原顧瞻嵩河之遺首蒞大梁喟然嘆曰此孟軻氏遠應惠王幣聘之邦也庶幾哉仁義之風

猶有存焉者乎又之衛睹淇水而興思曰洋洋
乎此武公之耄而勤學詩人所爲賦淇澳也於
前儒得邵伯雍焉爲之更飭其祠宇奕如也及
之周南而遡渥澗之流曰洋洋乎周公之所卜
而定都者禾黍之嗟久矣千載而下有程伯淳
兄弟者崛起以續孟氏之傳開道南之緒而今
將安歸也無已於二先生祠加飭焉庶其有興
乎之汝而思文王之化曰莪樸之遺教固在何
譽髦之寥寥也之蔡而憶蔡仲之命曰邁迹誠

在陳於謝良佐見其去一矜字焉今亡矣夫
及之陳之宋則曰義皇畫卦之迹遐哉邈矣後
之言易者何紛紛也載考孔子絕糧伐木故處
今儼然廟貌在焉豈不樹斯文之幟哉顧誰過
而問之至是而巡歷所及車轍徧於中原之境
矣乃還而稅駕於大梁焉以語於藩臬諸大夫
曰世降道微聖賢不作樸散淳澆久矣向予觀
於四境猶會省也今觀於會省亦猶四境也夷
門豪俠遺韻尙存而仁義之風益渺矣如何挽

而昭揭之諸大夫起而應曰觀風設教惟先生
職端軌齊物惟先生能僕輩第受成事已耳惟
所命之予曰風俗之表倡在士人士人之興起
在教化語云立的以示之標射者期焉設鑪以
鼓之鑄頑者化焉樹標莫如崇賢善鑄莫如敬
業孟氏仁義之學士人之標的也倘惠徼聖賢
之靈羣子弟而講習之鑪冶之其中有頑金乎
爲之柰何僉曰遊梁有祠以祀孟子其規制故
隘可撤而新也其學舍未備可創而構也祠修

則崇賢有義館備則敬業有所崇賢以示之標
敬業以鼓之鑄不亦可乎予曰善哉乃捐貲三
百餘金檄有司鳩工而葺之中爲殿六楹仍祀
孟夫子其上以萬章公孫丑諸弟子配前爲門
題曰仁義之門又前爲門題曰遊梁祠仍其舊
也毀之北建講堂六楹扁曰性善其東西各列
號舍十八間以處諸生亦旣備矣然供億之費
無從出也於是諸大夫各捐贖羨買地若干頃
坐落祥符之某鄉歲收租銀若干貯之理問所

支給聽之守道循環報之本院著爲令甲至若
督率必簡師儒教育務得英士學術一尊孔孟
諸大夫均有師帥之寄不得諉焉吁嗟乎首善
之地在省會教化之任在官司學問之宗在聖
賢性善仁義之說固孟氏所以願學孔子而繼
伏羲周文之統者也士患舍此弗學耳誠學者
如衛武切磨之功毫而靡勸如兩程夫子之先
識仁以誠敬存之殫上蔡切問近思之力究康
節內聖外王之學濟濟彬彬入以表率乎鄉里

出以楨幹乎邦家俾後之觀風者曰中原古
神名區今猶昔也猶歟休哉予於諸大夫今日
作人之舉不有榮施哉是所望於諸來學者爰
書之爲此祠記是役也首其事者不佞大美贊
其成者方伯易君登瀛袁君奎憲長蔡君逢時
大叅徐君卽登朱君思明憲副何君大化梅君
守和憲僉延君論洎開封府太守馮君盛明董
之者郡倅朱勤而知事薛國俊效奔走也例得
並書云

皇清

順治十二年提學張天樞知府朱之瑤改建開封府儒學明倫堂之後

康熙二十五年提學蔣伊重建於提學署之南并祀先賢於講堂

祀亞聖孟子及宋周敦頤程顥程頤張載朱子熹

二十八年巡撫閻興邦改書院爲名撫祠另建書院於府文廟北并祀先賢於講堂

祀亞聖孟子以下十一人

詩見碑記

春秋兩祭又

孟子後裔孟尚義尚禮給劄奉祠

閩興邦改建書院碑記云遊梁書院者所以祀孟子也孟子何以祀於梁以其始遊之地也如遊之地何以祀之蓋以孟子心契周孔之傳志切成康之盛欲以鎬豐伊洛之治復見之於梁也當戰國時燕齊秦楚之君競以功利相高此圖強兵彼誇富國於是儀秦髡衍之徒紛紜雜進抵掌華屋者下之取金玉錦繡上之亦不過

引其君爲齊桓晉文而止從未有望其君爲堯
舜之君望其民爲堯舜之民者一自孟子遊梁
而獨告梁王以仁義故於雪耻則教之以仁政
於歲凶則教之以重農於沼上則教之以與民
同樂耕桑樹藝是井田之本也庠序孝弟是學
校之源也使梁王用其言得行其志安在唐虞
三代之休風不再見於七雄爭勝之日哉然孟
子之言終不見用於梁於是之齊之宋之薛之
滕而孟子欲以仁義易梁之心則未嘗須臾怠

也故孟子雖不見用於梁而梁之君臣父子無
不聞仁義之言是以歷漢晉唐宋元明以至於
今而梁之人所以不後其君不遺其親者皆孟
子之一言有以維持漸摩於其間也粵稽歷代
帝王其尊崇孟子者或修其祀典或隆其封爵
或錫其土田或廕其苗裔斯云盛矣欲求其獨
標正學之宗遠紹危微之緒

親灑宸翰誦颺休烈未有如我

皇上今日褒嘉之至者也嘗恭誦

御製廟碑之言曰述舜稱堯私淑孔子正學修明百
世以俟又曰我讀其書曰仁曰義遺澤未湮聞
風可期煌煌

天語不獨表彰先哲而其所以爲世道人心計者誠
思深而慮遠矣今使其生平所歷之境不爲之
構其庭楹崇其裡祀不幾令大賢之遺澤泯滅
不彰而後世之敦詩說禮者無所景從是亦守
土者之責也浚儀昔有遊梁一祠始建於宋修

於明萬歷間改爲遊梁書院迨崇貞壬午塌於

水向之懷題堂構一望榛莽矣

皇清順治乙未始附於學宮室宇猥溢又不爲立主
守祠蓋名存而實亡也余以孤卑儒生幸際

右文之朝歲戊辰奉

命撫綏兩河仰承

聖天子崇儒重道至意敬爲卜地於貢院之東北捐
資庀材鳩工重建大殿若干楹廊廡若干楹垣
墉稱是中祀孟子配以高弟樂正克而以公孫
丑萬章公都子屋廬連陳臻充虞諸賢從祀焉

至於漢太常趙岐宋龍圖閣學士宣公孫奭司空孔道輔明刑部尙書錢唐此四君子者皆有功於孟子而不愧古大臣之風者也例得並祀書院落成卽召此邦秀良子弟肄業其中使之明性善之源流識知能之本始悟孝親敬長之無事外求知養氣知言之由於正學且使排籀捍闢之輩不敢橫恣詖行邪說之徒於焉捫舌在國爲良臣在鄉爲善士於以黼黻昇平贊襄盛治歷千百年而勿替則是孟子一遊梁而人

心以正王道以明不與大禹之導河底洛同功
萬世哉按孟子生於周烈王巳酉歲二月初二
日卒於周赧王壬申歲十一月十五日當以其
日致祭於書院所以明崇德報功之意也是爲
記

馮泌改建書院碑記云按豫通志遊梁祠在祥
符縣治西南崇祀孟子自宋代始有明巡方御
史方公大其規模立學舍置學田聚生徒而講
習之兼爲養育人材地而標名遊梁書院云迨

我

朝蓋三遷焉大梁當黃河既灌之後開草萊而建學
宮郡守朱公僅於府學明倫堂後署曰遊梁書
院存其名爾已而學使蔣公以建遊梁書院於
其署之南而顏其堂曰闢利然地徧向幽於制
未善也開府閣公改建府文廟之北重門甬道
堂廡巍然擬諸文廟齋房廩給一倣方公之遺
聚生徒肄業其間而祀孟子於堂上以樂正以
下諸子配享於是遊梁書院制稱盡善矣視學

御史張公題其事較士案臨命爲之記愚惟
來聖賢豪傑或產於其地或遊於其鄉莫不有
名勝之區以傳於後使人憑弔之想見當年
軼事以庶幾其爲人而動興起之思孟子當紛
紛言利之日獨持仁義以正天下顧其遊梁爲
生平出處第一事七篇開宗第一章王方曰利
開口卽以何必曰利折之所以杜其言利之口
攻其謀利之心使知利果不可以爲國而爲國
者並不可以利爲言然後可以與言仁義也答

問間可想見其巖巖氣象焉今建書院於此奉
以爲宗而俎豆之使夫人之由是門登是堂者
不覺潛消其交征之萌而興其不遺不後之良
則孟子之神化不儼然在乎其崇祀於梁也固
宜且擬諸文廟而不以爲過者文廟建之

朝廷達乎天下其爲制尊故其爲祀廣此則祀之者
梁建之者開封其爲祀專故其爲制無嫌於侈
方今

天子巡幸吾豫御史公倚以是入告將裁自

睿慮者更有非常之舉於以光俎豆而興起人心又何如也夫如是則珥筆以記者當屬御史公矣
三十三年巡撫顧沂布政使李國亮按察使胡介祉提學陳義暉糧驛道祖文明河道周銓開封府知府管竭忠各捐造齋舍三十餘楹又設斗級二名以備洒掃

聖祖仁皇帝昌明仁義匾額於正殿

乾隆三年巡撫尹會一懸王道爲昭匾額於講堂

四年糧驛道黃叔璥捐修正殿五楹東西廡各五楹及房舍門宇坊表墻垣并增祀先儒知縣張淑載又撥給河灘地畝五頃以供公費

時書院久未修葺多傾頽朽壞至是修之并增祀先儒韓愈又查給河岸馬家庄地方成字二區餘地四頃十三畝成字三區餘地八十六畝將所應入穀麥分爲十股三股爲修葺祠宇之費府學教授存貯關縣備用七股給奉祀生爲歲時朔望藝香供祭諸費及奉祀生養贍之資

二程書院在城東南二里繁臺南

卽舊大梁書院祀宋程顥程頤明朱河水沒

皇清

康熙二十六年驛鹽分守道張思明重建改今名
並祀先賢於殿廡

正殿祀宋程顥程頤東廡從祀門人張繹謝良
佐游酢楊時劉絢李籲呂希哲范祖禹侯師聖
朱光庭尹焞張天祺呂大防陳經邦陳經正呂

祖謙周行已謝天申王蘋李先之潘子文許景
衡王巖叟周伯溫楊大隱西廡從祀門人邵伯
溫呂大臨鮑若雨劉安世唐棣李參劉安節劉
湜周孚先劉立之胡安國馬伸劉安止邵溥馮
理楊迪晃以道朱發胡宿郭雍鮮于侁郭立之
薛季宣孟厚戴述春秋兩祭

張思明重建書院碑記云天下王化之本莫大
於學校而與學校相表裏者則惟書院其散在
海隅者若濂溪二程橫渠紫陽之屬以資學人

其舊習復一時名公鉅卿奮起爲當世用不絕
其舊翼贊宮爲菁莪棧樸之自出所關誠鉅也
大梁之南繁塔吹臺間舊有二程夫子書院其
創始歲月及後之廢興前記具載嘗攷聞見錄
明季馮邱二公重加修葺課士其中一時大梁
之士獲雋爲最盛此亦作人之明驗也無何九
域飈迴三精霧塞流寇引河灌城此祠遂與汴
之民居同歸淘汰蕩爲荒烟野蔓矣一自清寧
再覩萬類昭蘇九市三衢久還舊觀而二程書

院顧猶委諸灌莽揆之育賢致治之意母乃實
有缺乎今

聖天子加意右文表章正學俾所在郡邑鼎新文廟
親臨闕里近又褒揚諸賢翊道之功分頒

宸翰遣錫程祠凡屬臣工敢不仰體余謂在梁言梁
書院宜亟先鼎建爰捐貲新之非僅沐人士賓
興之爲亦聊以示所向也聞之業精於勤古聖
王之處士也使就閒燕其心安焉不見異物而
遷焉故其教不肅而成今多士以績學

橋南王伯成衙

以上社學俱係成化二年設失考建置之人

義學一區在大梁門外丁字街路北係萬歷三十四年設副使李貴和建置

宗學一區在鼓樓前聚宗生教之皆係周王府宗室子弟

皇清

順治九年令每鄉各置社學一區

雍正元年令州縣於大鄉巨堡置社學一區

本縣舊設社學凡十九區在城者六一在大寧坊
一在新昌坊一在安業坊一在宣平坊一在雲
驤橋一在建隆廂在鄉者十三一在八角保一
在永安保一在東和保一在西和保一在窪務
保一在開店保一在赤倉保一在時和保一在
長店保一在南毛保一在北毛保一在南神堽
保一在母寺保

以上社學 國初沿舊相設失考建置之人及
建置之年後漸廢

本縣設社學又一區在城西南崖集孔子回車處亦失考建置之人及建置之年

本縣設社學又二區一在朱仙鎮一在陳橋鎮乾隆二年巡撫尹會一檄行知縣張淑載建設

又社學之外有社會之法巡撫尹會一檄行凡府州縣學各立社長用仁義禮智信五字於東西南北中立爲五社社分上下每社選端謹公直生員二人爲長約計大小中學文武生員多者以四百名爲率每社酌村舍毗連居址相近

者一社酌隸八十人止下社各糾其半社長之下又設齋長分隸之學師置勸善規過循環印簿四本循來環去分發上下社長每簿紙四十頁簽標某社上下勸規簿首行開列社長姓名以下開列齋長衆生姓名稍後大書善過條款再後寫各姓名各一頁填註廩增附武字樣除善過不形無可短長外善則朱書詳記過則墨筆直書每季月底齋長送社長社長呈送學師學師於下季月首十日內傳集諸生於明倫

祥符縣志卷之六

建置志

宮室

官署

官署屬縣者俱詳載間數餘統轄全省應列通志府志者不載間數祇載名目

歷代縣署

本縣古爲浚儀署在城內宣化坊題曰浚儀縣署
晉天福元年徙於崇仁坊周顯德六年徙於城北封邱門外路東宋乾德六年又徙於安遠門

外旌孝坊之西景德五年天書見於承天門上
有大中祥符三篇遂改縣爲祥符而署另易其
題旋燬於金元至治間徙於雲老寺之西至正
間又爲兵燬明洪武元年移置按察司東南以
元稻田提舉司遺址改建三十二年淪於水遂
徙建於州橋之北舊察院署成化十八年知縣
王志重修凡外門三楹儀門三楹前廳事五楹
兩翼十四楹後廳事五楹兩廂各三楹內廨共
三十一楹庫依於堂寅賓館在堂之外監獄在

洛東西城石亭在儀門內萬曆二十二年知縣李
麟又建題名碑亭在廳事階左二十二年知縣
王復興又建韓忠閣在廳事後崇貞十五年春
遭河水淪沒聽政無地遂移駐河北陳橋鎮
堂隙缺如黃河冲阻又移城東頭集

國朝聚議

康熙三年知縣李麟又修城隍廟前街凡外
三座儀門三楹前照壁三座萬曆十一年知縣

廳事各三楹內縣共四十二楹
在堂之外監獄在焦轅之西

縣丞署久圯今或寄署縣丞署民舍

南嶺管河王簿署門一楹

北嶺管河王簿署門一楹

祥陳巡檢司署門一楹

以上三署所在詳見河系志河員署

朱仙鎮巡檢司署在朱仙鎮門一楹

縣八楹

典史署在縣署大門內東門一楹廳事三

楹後廳事三楹內廨十二楹

學署歷代俱依學宮崇貞十五年淪於水 國朝

知縣孫如林脩後圯雍正三年知縣王士俊重建在明倫堂後廳事三楹各內廨三楹廂四楹南房三楹乾隆二年知縣張淑載各增學夫舍一楹

王士俊重修學署碑記云雍正二年夏六月士俊自許州忝以堪劇調知祥符縣事恭謁

文廟畢與學官諸生行禮明倫堂問兩師退食之地則僦屋於外學宮之中無有焉噫亦異矣古者列國必有泮宮萃黨庠術序之秀而升其中以興道藝育人材誦弦息游之所秩如綽如變古廢學由齊鄭始更戰國而秦而漢元符中董仲舒議興太學蜀文翁於是乎遣張叔等詣京師受業博士武帝因令天下皆立學至光武則李忠起學於丹陽晉則庾亮設學於武昌梁則遣生徒受業於雲門山因令立學厥後興廢不

常歷隋而唐學乃復立州縣生徒各有數元和
間有書院之立至宋時有山長而范仲淹宋祁
請詔州縣立學則是仁宗以前尚未徧立也元
之各路設儒學提舉又令各立書院明洪武二
年詔天下各立學廩給諸生選名儒爲教授學
正諸職咸建公署備齋廡俾得誦絃息游焉未
有以風雨不蔽爲患者我 國家文教聿興幾
百年矣今

天子勵精而治樂育英才尤重師儒之選海隅山陬

咸興學况中州聖賢代出之區開封省會祥符
首邑而廣文先生無棲託之地何與意者故明
所建遭流寇決水灌城兵變之後遂不可問歟
噫寒飈首藉不安厥處則考德問業校課藝於
何從事與公解之不立抑亦令茲邑者之耻也
亟捐俸銀一百二十金集罰鍰得八十金合二
百金鳩工飭材屬諸學師屈宋宋亦殫心竭誠
以董其役閱三月畢工得會賓課徒與燕息之
室若干楹庖厨溷廁之屬蓋略備而師是邑者

學宇露處無患矣是爲記

再本縣駐劄各署列左

巡撫署在鼓樓西康熙元年巡撫張自德建

提學署在鼓樓東康熙三年提學張九微建

布政使署在魚市口東大街康熙二年左布政使

參政使司屬各署俱隣列署

鹽課署在巡撫署西康熙七年等處鹽課署主積

建司屬各署俱隣列署

鹽課署在布政使署北

建置

管河兵備道署在河道街舊理刑廳署

開封府知府署在河道後街順治七年知縣

陞建府屬各署俱鄰府署

理事同知署在河道街東康熙五十八年民房

清軍同知署在朱仙鎮

河南河同知署在布政司署北順治十四年同知

趙時斌建下北河同知署在陳橋鎮

登糧通判署在府署東

開封城守尉署在滿洲城

府街右營守備署在丁家角南條民房

城守營都司署在西門大街守備署在舊貢院西
以上例詳通志府志

再本縣裁去各署列左

總督署今裁卽巡撫署

巡按察院署今裁在府署東今淤

清軍察院署今裁在布政使署東今淤

分巡大梁道署今裁舊在按察使署後後移禹州

大梁驛今裁舊在縣署西北後移猪兒市今淤
時和遞運所今裁舊在時和保後移寺橋南今淤
宣武衛署今裁舊在縣署西北今淤

公所

公所隸縣者俱詳載間數餘統關全省應列通
志府志者不載間數縣載名目

北門接官廳在北門外大門一楹儀門三楹廳事

一楹抱軒三楹甬廊六楹

曹門接官廳在曹門外大門一楹廳事三楹東廂

二楹耳房一楹

再下縣公建各所列左

萬壽宮在老府門北雍正十二年總督王士俊建

王士俊恭建

萬壽宮碑記云

皇上御極之十有二年乾曜光華坤符炳煥是年正月元朔立春歲月日時俱會於攝提格此自章部紀元以來未有若斯之弘庥肇啟上瑞翕臻者也蓋寅屬人生之義主

人君萬壽易曰天地之大德曰生聖人之大寶曰位

非其旨與而豫省之建

壽宮以爲祝

之地者於是乎告成夫豫省

壽宮何以至斯時而告成哉豫居天下之中開封

又居豫之中四時所交風雨所會陰陽所和陳

圭置臬占紫氣之燭霄絳闕彤庭繞黃雲而作

蓋宜倡率以爲天下先何以至斯時而告成哉

蓋向者常循夙例恭遇

節屆斯謹於寺觀及貢院內設

御鑪列庭燎序班位非不肅肅雖離而究於其地不
專其地不專則其心亦不安矣雍正十一年癸

丑春 臣 士俊恭承

皇上寵命履河東總督之任孟冬恭祝

聖壽仍在大道宮揆之愚忱竊以爲臣子仰報

君父莫大乎忠愛之心而忠愛之至有過於虎拜稽
首天子萬年者乎前歷任粵楚俱各建有

萬壽宮巍巍乎郁郁乎志益以壹儀益以整中州係

腹心閩閩何遲之久而未及也意者神臬奧區
有待今歲之

景運亢隆

昌期彌泰而後成斯嘉會樹乃宏圖耶於是
士俊率

藩臬以下諸吏環相城中慎選方域則有包塊

圮之形孕淑清之氣於西北隅實獲基址高敞

氣象巍巍且在卦位爲乾洵莫踰於此闔省庶

司聞之爭獻常祿之贏以爲鼎建之藉恭擇雍

正十一年季冬經始庶民子來百工麇集歡如

粵稽上古庖犧氏都於陳矣神農氏初亦都
陳矣黃帝都于軒轅之邱今新鄭是也帝嚳都
於亳今偃師是也載稽中古堯舜遊首山歷河
渚王老來告河圖係今河南府界而龍門禹績
所先穀熟成湯所宅西伯詩誦徧於南汝武王
定鼎營於洛都此皆具神聖獨懋之德弘開物
成務之功躋邗隆昇平之治而又得天者厚稟
氣者淳歷年最多在位最壽此允豫省獨見其
盛者也三代以下遼哉邈乎洪惟我

朝

列聖相承泰庥屢協我

皇上丕紹鴻基

昊天有成命固已久矣所以

皇上首出庶物敬承

天

祖斯乃庖犧之觀天文啟苞苴也

皇上軫念民依詳籌衣食斯乃神農之制耕稼治布

帛也

皇上文德雍容武功赫濯斯乃黃帝之立制度征蠻
九也

皇上虔脩祀典雨暘時若斯乃帝嚳之候日月儉鬼
神也

皇上恩蟠兩大澤普九垓斯乃帝堯之光被四表格
於上下也

皇上崇儒重道澄叙官万斯乃帝舜之建學養老知
人善任也

皇上宵衣旰食恤刑慎獄斯乃大禹之常惜寸陰下

車矜罪也

皇上朝乾夕惕謹小慎微斯乃成湯之昧爽丕顯銘
盤自警也

皇上聖度謙冲睿算精密斯乃文王之如傷未見武
王之不泄不忘也是以

龍飛御極以來日月合璧五星聯珠黃河澄清醴泉
騰涌慶雲屢見甘露頻凝鳳凰和鳴麒麟降生
靈芝著草瑞穀嘉禾不能縷述而今歲四寅元

爲罕遇蓋我

皇上合庖犧神農黃帝帝嚳堯舜禹湯文武之聖以
爲聖所以亦合庖犧神農黃帝帝嚳堯舜禹湯
文武之瑞以爲瑞而又卽合庖犧神農黃帝帝
嚳堯舜禹湯文武之壽以爲壽此理之固然事
之無可疑者而皆于豫省之

萬壽宮丕昭其驗矣則夫獨盛于他省者豈侈言哉
矧今

萬壽宮之成又成于元朔協瑞之歲所謂天開于子
地闢於丑人生於寅更由庖犧溯而上焉凡天

皇氏之壽地皇氏之壽人皇氏之壽皆享億齡
萬載而有餘綿綿遠遠悉爲我

皇上備之然則

萬壽宮之有待而成也亦其宜矣宮之旣成試循繚
墻而旁矚倚文城以延眺北拱

神京不越咫尺焉其東則泰山寶策之府也其西
則華山蓮華之峰也其南則衡山太虛之洞也
瑞炁周遭神山環護斯所以居天下之中而獨
爲可貴也即士俊又謂之豫者樂也汴者怵也

萬壽宮既建將見大樂與天地同和而不知
韻大禮與天地同節而不僅拜跪之文秀士朴
農順

帝之則四時之序益交風雨之澤益會陰陽之氣益
和安享太平永永無極仍倡率以爲天下先可
矣而又何遲之有藩臬以下諸吏俱以爲然請
壽諸石遂恭紀之董其事者候選知州管理河
南塘務事周文德著有勞績例備書

貢院在上方寺南雍正九年總督田文鏡建

田文鏡改建貢院碑記云余奉

命撫豫之三年卽

今上御極之四年丙午科鄉試例得監臨塲屋惟時
卽見闌中多水初以爲秋雨偶然耳越己酉晉
秩制河東仍得專豫省監臨事而闌中之水如
前顧謂同官曰是非偶然也撤棘後相與登高
而望恍然有得其受水之故因以推夫水之所
由來蓋闌以外其東西北三面皆水塘埒起如

